

## A gondomareña Vanessa Veiga proclámase gañadora da maratón de Madrid

Escrito por Redaccion @valminorinfo  
Luns, 29 Abril 2013 11:18

---



Nun vibrante esprint final, no que superou á etíope Girma Tadesse, a atleta gondomareña Vanessa Veiga proclamouse gañadora do maratón de Madrid, cun tempo de 2h36:38. A vitoria de Veiga é a primeira española en categoría feminina desde 1998.

Vanessa Veiga (Gondomar, 1979), campioa de España en 2011, correu acompañada do seu marido, o explusmarquista nacional Julio Rey . Ao cruzar a meta, abrazouse cos seus tres fillos, polos que abandonou a súa carreira durante sete anos. Veiga definiu as súas sensacións como «unha pasada» no seu primeiro maratón madrileño. «O ano pasado corrín os 10.000 e quedei coas ganas. Veu moita xente a verme e animáronme moito. Tiña a peor marca das participantes (de elite), pero tiven dúas lebres de luxo, o meu marido e o meu cuñado (Fernando Rey )».

«Ademais, hoxe é o aniversario do meu pai e do meu tío. ¡Que mellor regalo que este! Soñouno, pero había que traballar moito para conseguilo. No quilómetro 39 fóiseme un pouco a etíope, pero cando me vin aí, preto da meta, pelexei pola vitoria», explicou.

Veiga tamén tivo palabras para as vítimas do atentado de Boston. «*Pode ocorrer en calquera sitio, en calquera praza ou supermercado. Os terroristas queren sementar o terror, pero non llo imos a consentir. Deron con xente moi valente. Que non renda o pánico, hai que seguir*», engadiu.

A carreira madrileña congregou hoxe a 26.000 corredores nunha carreira presidida pola homenaxe ás vítimas de Boston e a reivindicación dos Xogos Olímpicos do 2020 para a capital española.